

## Hauptarchiv-Urk. 1703 Wiener Stadt- u. Landesarchiv

1407 VI 02, Wien

*Prueder Hanns von Czwetel, paumeister ze den Minnern pruedern ze Wienn, und der ganz convent daselbens bestätigen, dass Hanns der Zyrnast und Hanns der Mosprunner, paid ausrichter und volfürer des geschêfts, so Hanns der Arnstorfer, dem got genad, getan hat, ihnen 10 lb. dn. ausbezahlt haben.*

Quelle Regest: Quellen zur Geschichte der Stadt Wien, Bd. II/1, Nr. 1703

<https://www.monasterium.net/mom/AT-WStLA/HAUrk/1703/charter>

### Transkription

Ich Prueder Hanns von Zwetl pawmaister ze den Minnern Pruedern ze Wienn und wir der gantz Convent da selbens vergehen fuer uns und unser nachchoemen offenleich mit dem brief, das uns die erbern mann Hanns der Zyrnast und Hanns der Mosprunnêr die zeit paid ausrichter und volfuerer des geschêfts so Hanns der Arnstorffer dem Got genad getan hat. verrichtet und gewert habent zehen phunt wiener phenning die uns der selb Hanns der Arnstorffer geschafft hat. als dasselb geschêfft vor dem Rat der Stat ze Wienn mit erber kuntschaft beweist ist und als es ze einer ewigen gedêcht-nuezz yn dem Statpuech geschriben stet also das man die selben phenning taylen schol under die pruederschaft gemaintleich die priester sind, das sy got umb des vorgenanten Hannsen des Arnstorffer Sel pitten und Mess dar umb sprechen. Und sagen auch wir und unser nachchoemen die vorgenanten geschêftherren und Ir Erben der egenanten zehen phunt phenning gentzleich quidt ledig und loes Mit urchund des briefs versigilten mit unsers obgenanten Convents aufgedrukchten Insigil. Geben ze Wienn an dem achten tag gotsleichnams Nach Christi gepuerd viertzehenhundert jar dar nach yn dem Sybenten jar.

1)

Ich Prueder Hanns von Zwetl pawmaister ze den Minnern Pruedern ze Wienn und wir der gantz

2)

Convent da selbens vergehen fuer uns und unser nachchoemen offentlich mit dem brief, das uns

3)

die erbern mann Hanns der Zyrnast und Hanns der Mosprunnêr die zeit paid ausrichter und

4)

volfuerer des geschêffts so Hanns der Arnstorffer dem Got genad getan hat. verrichtet und

5)

gewert habent zehen phunt wiener phenning die uns der selb Hanns der Arnstorffer geschafft

6)

hat. als dasselb geschêfft vor dem Rat der Stat ze Wienn mit erber kuntschaft beweist ist und

7)

als es ze einer ewigen gedêchnuezz yn dem Statpuech geschriben stet also das man die selben phenning

8)

taylen schol under die pruederschaft gemaintleich die priester sind, das sy got umb des vorgeanten

9)

Hannsen des Arnstorffer Sel pitten und Mess dar umb sprechen. Und sagen auch wir und unser

10)

nachchoemen die vorgeanten geschêftherren und Ir Erben  
der egenanten zehen phunt phenning gentzleich

11)

quidt ledig und loes Mit urchund des briefs versigilten mit  
unsers obgenanten Convents aufgedrukchten

12)

Insigil. Geben ze Wienn an dem achten tag gotsleichnams Nach  
Christi gepuerd viertzehenhundert

13)

jar dar nach yn dem Sybenten jar.